

**Broj** : 01- 482 /12

**Dana** : 09.04.2012 godine

**SKUPŠTINA KANTONA SARAJEVO**  
**predsjedavajuća Skupštine**

**PREDMET: Zastupnička pitanja Pindžo Mirsad-a, odgovor , d o s t a v l j a s e ;-**

Zastupnik Pindžo Mirsad je na Trinaestoj Radnoj sjednici Skupštine Kantona Sarajevo, održanoj dana 28.03.2012 godine, u okviru tačke Dnevnog reda "Zastupnička pitanja , inicijative i odgovori", između ostalog postavio je zastupnička pitanja:

**Zastupničko pitanje 1 :**

**„ Na osnovu kojih propisa je ministar donio instrukciju o hitnom, tekućem i povremenom izvještavanju u kojoj je utvrdio obavezu izvještavanja njega i sekretara Ministarstva o poslovima koji su isključivo operativnog karaktera za koje ministar i sekretar nemaju ovlaštenja, a posebno imajući u vidu činjenicu da istragama i drugim operativnim radnjama neposredno rukovode Tužilaštvo i Uprava policije?“**

**Zastupničko pitanje 2 :**

**„ Da li je instrukcija zakonita i da li operativni podaci prikupljeni na ovaj način mogu uticati na rad Tužilaštva i policije npr. ometanje istraga ili na neki drugi način?“**

**Odgovor na zastupničko pitanje 1 :**

Obavještavamo Vas da je na osnovu člana 17. stav (2) tačka 3. Zakona o unutrašnjim poslovima Kantona Sarajevo ministar, nadležan da donosi pravilnike, naredbe, uputstva, instrukcije i druge akte iz svoje nadležnosti, radi izvršavanja Zakona i drugih propisa Kantona u oblasti unutrašnjih poslova.

Predmetnom instrukcijom, niti jednom odredbom nije propisano uplitanje u operativni rad Uprave policije, već su propisani slučajevi, samo obaveze izvještavanja ministra o događajima iz nadležnosti organa kojim rukovodi radi upoznavanja, a ne poduzimanja bilo kakvih odluka operativnog karaktera i sekretara Ministarstva jer po članu 18. navedenog Zakona on zamjenjuje ministra u njegovom odsustvu ili nemogućnosti obavljanja dužnosti. U sklopu izvršavanja programa rada Vlade Kantona Sarajevo za 2012. godinu, TEMATSKI DIO, predviđeno je dostavljanje tro-mjesečnih, šesto- mjesečnih, deveto-mjesečnih informacija i godišnje informacije o aktivnostima u oblasti suprotstavljanja kriminaliteta, stanja javnog reda i mira i sigurnosti saobraćaja koje razmatra Vlada i Skupština Kantona Sarajevo, a nosilac izrade je isključivo Ministarstvo unutrašnjih poslova Kantona Sarajevo. Za navedene izvještaje pred izvršnim i zakonodavnim organom, odgovoran je ministar.

Posebno bi skrenuli pažnju na Instrukciju o hitnom, tekućem, povremenom i statističkom izvještavanju u Ministarstvu unutrašnjih poslova u Kantonu Sarajevo broj: 01-926/01 od 22.11.2001. godine (koju Vam dostavljamo u prilogu akta), i koja je bila na snazi i primjenjivala se do donošenja predmetne Instrukcije. Navedenom Instrukcijom, između ostalog, propisane su obaveze izvještavanja većeg broja subjekata, te je bila propisana obaveza da se pored ministra obavještavaju, Kabinet ministra i Uprava administracije. Očigledno je da su novom Instrukcijom reducirani subjekti prema kojima je postojala obaveza izvještavanja, te se da zaključiti da predmetnom Instrukcijom nije propisana nova obaveza izvještavanja ministra i sekretara, već je ta obaveza bila propisana i navedenom Instrukcijom koja se primjenjivala do sada.

#### **Odgovor na zastupničko pitanje 2 :**

U prethodnom odgovoru navedeno je da je Instrukcija donesena na osnovu pomenutog Zakona uz napomenu da je ministar potpuno nadležan da organizira rad Ministarstva i vrši sveobuhvatni nadzor s ciljem osiguravanja njegovog zakonitog i efikasnog funkcionisanja ( član 17. stav (2) tačka 2. i stav (3) i član 21. stav (1) pomenutog Zakona) Predmetna Instrukcija ne može uticati na rad Tužilaštva i policije niti ometati istrage, a kao

što je navedeno u prvom odgovoru, i ranija Instrukcija je propisivala obavezu izvještavanja istih subjekata i šire. U prilogu vam dostavljamo, na uvid Instrukciju koja se primjenjivala do donošenja predmetne Instrukcije i predmetnu Instrukciju.

S poštovanjem,

**MINISTAR**

**Dr.Sci. Muhamed Budimlić**